

## Mirinda kosma liturgi'

(originale verkita en Esperanto) • M: Veni creator Spiritus (Mainz)

viii 1. Mi - rin - da kos - ma li - tur - gi':  
2. La blu - a Ter', la o - ra Sun',  
Kva - zar', no - va - o, ga - la - ksi'  
la ru - ĝa Mars', la blan - ka Lun':  
or - bi - te, Di - o, glo - ras Vin.  
La as - troj, Di - o, glo - ras Vin.  
Kun i - li mi a - do - ras Vin.  
*post la  
lasta strofo:*  
A - men.

3. En nordo kaj en orient', / en sudo kaj en okcident':  
estaĵoj ĉiuj gloras Vin. / Kun ili mi adoras Vin.
4. Antarkto, Amerik', Azi', / Eŭrop', Afrik' kaj Aŭstrali':  
La kontinentoj gloras Vin. / Kun ili mi adoras Vin.
5. La alizeo, la muson', / tajfuno, trombo kaj ciklon':  
La ventoj, Dio, gloras Vin. / Kun ili mi adoras Vin.
6. Ros-guto, pluvo kaj neĝer', / nebulo, prujno kaj hajler':  
Precipitaĵoj gloras Vin. / Kun ili mi adoras Vin.
7. Glaci' eterna, alt-montar', / preri', dezerto, pra-arbar'  
per nura esto gloras Vin. / Kun ili mi adoras Vin.
8. Salik', feniko, tamarik', / larik', miriko, miristik':  
La arboj, Dio, gloras Vin. / Kun ili mi adoras Vin.
9. Krokuso, roz', tulip', viol', / kolĉik', aster' kaj gladiol':  
La floroj, Dio, gloras Vin. / Kun ili mi adoras Vin.
10. Tritik', sekal', horde', maiz', / aven', milio, sorg' kaj riz':  
Poacoj ĉiuj gloras Vin. / Kun ili mi adoras Vin.

11. Skarabo, muŝo kaj libel', / formiko, papili', abel':  
Insektoj, Dio, gloras Vin. / Kun ili mi adoras Vin.
12. Vipur', natrik', igvan', varan', / aligatoro kaj kajman':  
La reptilioj gloras Vin. / Kun ili mi adoras Vin.
13. Paruo, pego kaj paser', / fulik', anaso kaj anser':  
La birdoj, Dio, gloras Vin. / Kun ili mi adoras Vin.
14. Leono, tigro, leopard', / panter', uncio kaj gepard':  
La grandaj katoj gloras Vin. / Kun ili mi adoras Vin.
15. Marteso, lutro, lup', mustel', / ŝakalo, urso, vulp' kaj mel':  
La hundoformaj gloras Vin. / Kun ili mi adoras Vin.
16. Angilo, perko kaj barbi', / ezoko, ŝarko kaj lofi':  
La fiŝoj, Dio, gloras Vin. / Kun ili mi adoras Vin.
17. Sireno, orko kaj focen', / mar-elefanto kaj balen':  
La mar-gigantoj gloras Vin. / Kun ili mi adoras Vin.
18. Jacinto, jado kaj grenat', / oniks', opalo kaj agat':  
Juveloj, Dio, gloras Vin. / Kun ili mi adoras Vin.
19. Liuto, fluto, violon', / tambur', trumpeto, kariljon':  
Muzikaj sonoj gloras Vin. / Kun ili mi adoras Vin.
20. Kristano, judo, islaman', / hindu', daŭisto kaj budhan':  
La religioj gloras Vin. / Kun ili mi adoras Vin.
21. Mi Vin adoras, Triunu', / Vin, glora Patro, Vin, Jesu',  
Spirito Sankta, same Vin, / hodiaŭ, morgaŭ kaj sen fin'.

Amen.

MIRINDA KOSMA HARMONI • M (Veni creator Spiritus): Kempton ĉ. 1000, Wittenberg 1524, Mainz 1947, kp. ADORU 347 • E (originale verkita): Albrecht Kronenberger 2022-06-13

*Ĉi kanto havas la formon de ambrozia brevier-himno, same finiĝanta per doksologio kaj ameno.*

*La strukturo, pro la ĉiam sama lasta linio, similas iom al litanio. Oni eĉ povas provi divers-maniere alterni.*

*Oni povas elekti strofojn kaj/aŭ preni ilin kiel bazon de bild-meditado.*

*Simile al la konataj kvartet-ludoj, ĉiu strofo entenas terminojn el unu kategorio, nur ke ilia nombro ne estas kvar, sed rezultas el rimo, ritmo kaj bel-sono.*

*Verku mem pliajn strofojn,  
ekz. pri riveroj, insuloj, urboj, etnioj, elementoj ...!*